



三星圓四集

開場

嫁釵

長樂郡
振鐸西
請花書

調軍

冊王

挑戰

儔鸞

療膽

策助

拆錦

贅鳳

訪仙

觀母

遣符

禱子

破陣

獲丸

伏魔

復形

擣寨

錫男

投表

賜名

和番

剖貞

膺使

圓奇

矜孤

開場

末上

引一家眷屬盡忠良。關塞功成姓字香。終是心田能種福。琪花四照遠呈祥。

多麗張繼良訪仙延到沙場。好把那龜蛇收伏。番軍盡失剛強。郭有威祖師救後。使龍女馴伏濠梁。元帥宗勉調兵破敵。番王遞表屬封疆。賀三子功成奏凱。封爵聖恩長。更喜那交鸞侶鳳。嘉耦姬姜。陳祖功夫。妻好善。陰功遠被他鄉。翰林加扶餘出使。天醫下靈。

藥充腸便復前形。還生麟子。話封一品拜王章。橋梓
並墳。篋濟美。積善自多祥。看三星齊來賀喜。萬載名
揚下。

調軍

卒兵引小生帥服上。

正宮引子。破陣子。事業本由天策。經綸立壯皇圖。掃
盡烟塵。東海寇。好奏昇平。北闕書丹。心達帝都。

登臺坐介。雜扮中軍暗上。太平時。小生莫笑儒生
意見迂。陣法疎。好謀臨事。亦兵書往無虞。智士同
行勇士俱。志氣抒。從教一戰破扶餘。保寰區。本帥
陳宗勉。奉旨登壇。統兵接印。外孫承外祖之權。勛
猷相濟。大將本大儒之理。威德並施。今日要把番

兵殺退海邊。成吾戰績。先傳衆將齊來。麾下領我
軍機。中軍雜有。小生轅門起鼓。傳衆將上壇聽令。
雜執旗傳呼。下作旦執旗。丑末淨執鎗。同上。元帥
在上。末將等打躬。小生列位將軍暫立兩旁。聽吾
號令。

正宮過曲。小普天樂。整干戈。颺旗鼓。愧文人。新嫺武。
膺皇命。膺皇命。重握兵符。只有望將軍協力平除。你
看那風雲龍虎。分明按陣圖。進退森嚴。須知犯令當
誅。

前部先鋒聽令。你可帶領鉄甲三萬。攻打頭陣。不
得有誤。

三字令。過十二橋。統前部。領羆虎。冒弓弩。爭先破敵
去。凌空殺氣布。挺戈矛。挺戈矛。如搜穴中鼠。奮英雄。
奮英雄。追擒天上兔。休憤驚。休憤驚。回頭再三顧。倘
剪除。倘剪除。司勳早登簿。丑得令。任突冲。縱馳驅。搗
中渠。搗中渠。管教番兵一戰怖。

下小生白。將軍聽令。你可帶領騎兵二萬。在後接
應。不得有誤。

前腔應前部。約罷虎。備弓弩。先鋒破敵去。遊兵後面
布。震威聲。震威聲。揮戈更相助。挫英風。挫英風。提兵
疾去。護得成功。得成功。旂常把名著。倘迷塗。倘迷塗。
中軍法嚴處。淨得令看突冲。設防虞。破妖奴。破妖奴。
管教番兵一戰怖。

下小生石將軍聽令。你可帶領步兵一萬。埋伏蒙
山。以截扶餘。救應之兵。不得有誤。

前腔險幽處。杳深路。把兵駐。重重列行伍。不容敵軍
度。備鈎繩。備鈎繩。援兵好襲取。叠砲柴。叠砲柴。逃兵

悉攔住。得擒拏。得擒拏。朝廷把名序。倘疎虞。倘疎虞。
將軍令難恕。末得令早伏埋。備矢弩。候追驅。候追驅。
不使番兵似脫兔。

下小生參謀聽令。你可統領裨將四員。人馬三千。
往伏虎山。多樹旌旗。虛張聲勢。使番兵不敢前進。
佈置之後。可即速回營。參贊軍務。

前腔陟高岵。揀叢樹。把兵駐。紛紛幟旗布。層層繞烟
霧。應山巖。應山巖。空聲但播鼓。嚇番兵。嚇番兵。軍威
似神助。這權謀。這權謀。憑君善自處。莫迂疎。莫迂疎。

三星圖 四集
軍機最怕誤作旦得令陳設疑實仍虛遠奔驅遠奔
驅管叫番人不敢顧

下小生下臺介

尾聲籌畫少韜畧疎全憑著英雄駕馭看古來有幾
箇書生拜將圖

下

評曰前以祖功為主此以宗勉為主英雄出山大
將登壇須要寫得十分矜貴篇中指揮調遣部伍
森然人品則羊叔子軍政則周亞夫

未信洪濤怒拍堤 方將萬里制鯨鯢
登壇調遣三軍後 幟上紅翻日影低

挑戰

番兵引小旦上

黃鐘賞宮花錦馬前驅飛雲繞戰裙莫笑裙釵女練
習疎點點梨花鎗舞處南兵十萬盡鳴烏

花繡三千畫戟枝恨無巾幗將謀施今朝黛碗傳
餐出嚇得中原羽檄馳咱扶餘國公主虬鸞哆便
是昨日探子報來南朝易了將帥故遞戰書要決
勝負想那鄔郝二將陣中屢顯其勇咱守營數年
久不交鋒今日不免親自出馬以表女將英雄并

可觀中原將帥所易如何小番傳郝先鋒上帳聽
令小番傳介副上趙雲具體無非膽杜預前身本
是蛇見介公主有何差遣小旦將軍那中原新來
將帥必有智謀屯糧之處我更著鄔先鋒護衛你
統本部人馬在後壓陣以便咱親自出戰副啟公
主我軍久守營寨不能進取城池今日末將正當
爭先攻戰如何反教在後小旦將軍有所未知他
元帥新來銳意欲戰咱今女將臨陣示之羸弱以
怠其氣異日你們方可一戰成功副得令反把先

鋒爲後勁但憂巾幗少機謀下小旦衆小番就此
出兵徒傷敵命情何慘鬪勇無如鬪智奇番衆引

小旦下唐衆引丑上

前腔奮力前驅英雄膽氣粗看搗中營去捉蠻奴漫
道風流年少將番兵一戰待平除

驚聞刁斗月三更指點豐城劍氣騰爲想文人原
備武班超也是一書生俺郭有威奉元帥之命剿
滅番兵衆將用心殺上番衆引小旦上合陣介丑
你看女將生得姿容俏麗若遭擒戮殊爲可惜小

旦中原人物果然器宇軒昂未知武勇如何來將
 何名丑俺前元帥之子新科榜眼現為元帥麾下
 先鋒郭有威是也女將何人小旦咱奉命除奸扶
 餘國公主便是你父尚畏我軍鋒堅壁不動你乳
 臭小子敢來送死麼丑噤住了我父天朝老將要
 使你知罪自降故不出戰你今猶負固不服我就
 與你兩陣對圓決箇雌雄小旦面紅介休得多言
 戰介小旦下丑看那女將鎗法甚屬利害一時含
 羞而退未知何意不免追上將金標傷他便了下

小旦上看這小將來得梟勇倒也難以取勝咱想
 此番呵

畫眉序戰爭初不是湘臯佩明珠怎的我幾忘酣鬪
 有意招呼腮頰上春情半逗衷腸內芳心欲吐你看
 他躍馬追來好員年少英雄將且與他戰箇贏輸

丑上戰擲標小旦接介丑退下小旦這小將好來
 得利害也阿喲那年父王命咱習學兵法高麗國
 奉書求親先師屈指一算說咱姻緣當在中華異
 日有金標相贈者便是且有隱語四句云莫道孤

鸞偶未諧神龍有種自英威金標豈是張公筆最愛將軍解畫眉今日想將起來名已相符又有金標可證咱的姻緣莫非應在此人不成丑內花奴那裏走小旦他又追上前來且把言語挑動幾句便了丑上戰介小旦將軍咱的武藝本勝於你因有憐惜之心不忍加害你如此不知分曉麼丑公主俺雖憐香愛玉奈身膺國家大事豈得容情小旦呀聽他的言語

前腔味有餘我儘憐伊伊也憐奴分明把心中情事

口內躊躕丑

公主只管且戰且走什麼意見

小旦呀

將軍奴只道

軍隊裏是鸛鷺分陣交鋒上好鴛鴦打

譜你

雙雙相遇何相扼竟把奴好意全辜

作顧盼下丑那公主十分顧盼使俺神魂飄蕩了

啄木兒憐嬌態念彼姝臨去回頭情幾許看他轉秋

波點點撩人吐檀口字字愁子莫非是牽牛已到填

橋路回想那年曾聘張年伯之女未娶而亡倘果然

天孫許把銀河渡俺勸他罷兵和好翻一箇出塞昭

君入漢圖

三集 四集 五集 六集 七集 八集 九集 十集 十一集 十二集 十三集 十四集 十五集 十六集 十七集 十八集 十九集 二十集 二十一集 二十二集 二十三集 二十四集 二十五集 二十六集 二十七集 二十八集 二十九集 三十集 三十一集 三十二集 三十三集 三十四集 三十五集 三十六集 三十七集 三十八集 三十九集 四十集 四十一集 四十二集 四十三集 四十四集 四十五集 四十六集 四十七集 四十八集 四十九集 五十集 五十一集 五十二集 五十三集 五十四集 五十五集 五十六集 五十七集 五十八集 五十九集 六十集 六十一集 六十二集 六十三集 六十四集 六十五集 六十六集 六十七集 六十八集 六十九集 七十集 七十一集 七十二集 七十三集 七十四集 七十五集 七十六集 七十七集 七十八集 七十九集 八十集 八十一集 八十二集 八十三集 八十四集 八十五集 八十六集 八十七集 八十八集 八十九集 九十集 九十一集 九十二集 九十三集 九十四集 九十五集 九十六集 九十七集 九十八集 九十九集 一百集

〔下〕副上軍前不是招郎地漫擲瑠玕戈作綵毬俺看
公主與唐將交戰甘於自敗不肯取勝倘若看中
那小蠻子兩下私訂豈不誤了軍國大事俺不免
隨著公主緊緊防他

圖。急三鎗你休把戰爭事兒戲看要將那癡緣分妄相

〔下〕小旦上

歸朝歡夙緣分夙緣分名符姓符不是他誰是鴛侶
除奸的除奸的長驅疾驅為多情煞分了頭緒丑內

公主那裏走小旦冤家啊你若肯獻出奸臣將讐人

子糾無藏魯咱情願息兵修好如夫人羸氏來歸楚
把一段私情做廟謨

〔丑〕上公主你既垂憐小將何不勸你父王歸降天
朝世守扶餘以通和好小旦將軍此言差矣咱奉

父王之命來除奸相你不曾獻出盧杞反要我父
王歸降何藐視扶餘出此大言丑公主盧相係天

朝元老豈有因你問罪獻出軍中之理你若不肯
歸降激起我元帥麾下謀士勇將明攻暗劫你就

要退避也不能殺了。何如聽我歸降之言。可無後悔。
小旦將軍你笑。咱軍中無人麼。咱麾下鄔郝二將。有拔山舉鼎之勇。若教他陷陣。你們必爲齏粉。
丑你國仗了二士之力。就可使你纖腰女子前來犯境麼。
小旦怒介。噯。小蠻子欺咱太甚。咱雖女將。必要擒你下馬。以顯英雄。
大戰介。小旦將流星錘打丑。丑奪錘打中小旦。馬眼小旦落馬介。副急上。弗傷吾主。接戰介。小旦下。丑戰下。副噯。噯。我道公主要與小蠻子私訂婚姻。誰知且戰且走。全是誘

敵之計。可恨星錘被他奪去。幾遭毒手。俺不免追上前去。傷他性命。以洩公主之恨便了。

尾聲長。風直捉。天邊兎。飛電追。擒日裏烏。那怕你唐軍千里陣雲鋪下。

評曰。寫兩下相憐處。特爲後日和番儔驚作破題耳。故始而愛。愛則情聯金石。繼便恨。恨則怒裂睚眦。了。豈有擲標打錘爲夫倡婦隨之事乎。閱者切勿以私訂婚姻俗套擬之。

標錘來往似綈袍。

花下雕鞍戰法高。

一自紅裙霞彩落。

仙人新劈洞中桃。

療膽

武扮獨臂羅漢上

雙調引子。風入松慢。空山古寺靜蕭蕭。林葉逐風飄。
一任我溪南曉露看。馴鶴竹西夜月聽吹簫。爲一段
恩情須補。俗緣未得全消。

佛法慈悲多救護。況蒙恩惠怎相拋。吾乃獨臂羅漢是也。回想在俗之時。思乞假而無門。歎棲依之靡所。命寄於楚頭吳尾。本爲世上窮民。身僵於雪後風前。已屬溝中餓殍。幸蒙尚書郭文龍垂救。贈

銀而送我回家，寫柬而薦吾管賬，竟使饑寒之士，得成溫飽之人。今日其子有威，與番將郝珠交戰，必為蛇膽所傷，我身已成真，不管人間閒事，而心存報德，豈忘恩主有災，不免賚了金丹，前去救他性命。護法神何在？小生上來也。佛國脩來七世，梵王法旨當遵，手執金花寶杵，降魔威武常存。吾乃三洲感應護法韋馱是也，特因大師相召，前來進謁。見介：大師召護法神到此，敢問有何差遣？武因郭先鋒有難，隨我同去救護。小生領法旨，武最難

忘救死深恩，小生真靈妙佛法無邊。同下。丑敗上，
嗔敗了。

仙呂入雙調過曲。二犯江兒水。殺得俺前徒戈倒，殺

得俺人疲戰馬嘯，殺得俺魂飛碧落，魄散青霄。這驍

雄何曾世間遭。你看他聲兒震平地，泛波濤。身兒轉

天關也動搖，不是凶魔，定是邪妖。怎得箇吉星救護

前來。到副內喊：小蠻子那裏走。丑：呀，聽後面喊聲，又

高。青春年少，躲不過這沙場一命消。

我此番性命休矣。副上戰擲膽，丑落馬棄鎗。副鎗

刺武上拂塵抵小生將杵引丑同武下副呀

三棒鼓是何人多事下雲霄拂塵輕輕相抵也霞光

繞把鎗頭力消南將命逃伊誰召似這般隻手逍遙

也究竟是仙也麼妖佛也麼妖哭岐婆就是仙仙佛

佛俺見過不知多少怎有這形容蹊蹺韋馱同到威

風凜凜杵飄飄攜手偕行路去杳夜行船序好教俺

氣懣心焦眼睜睜把一箇頭功棄了罷罷且殺到南

營上力破軍兵滔滔在今朝你聽那鼗鼓軍前助陣

鐵馬風前嘶草蕭蕭管教他烟塵匝地一時全掃

副下小生提杵引丑隨武上

金水令武

回首家鄉何處紛紛暮雨飄只為那洪恩

未答兀自難消幸今番堪圖報拂塵輕輕指住那妖

金丹一粒扶起同袍也不負當年窮途相濟恩誼高

丑臥椅介小生下武看他十分危殆不免將金丹

放在口中將軍甦醒丑招鎗喻你自何人武將軍

不必驚異我特來救你的丑如此是我恩師了請

問法號待小將還朝呵

柳搖金率同將校功成四郊奏凱得還朝一一衷情

告。好把洪恩答絳霄。

武我就是石門張炳，那年出家取名了緣，已蒙佛

旨授記為獨臂羅漢了。丑呀，緣來就是張恩師。

接前 若不是慈光普照，一命早勾消。看古來歷歷沙

場英雄多少，熒熒野火，魂遺誰招，魂遺誰招。無非是

一堆荒草。

小將幸蒙相救，真是莫大之恩也。恩師請上，受我

一拜。

步步嬌 俺自愧 韜鈴未熟元機妙，一介書生小。妄把

將軍重任叨。若不蒙恩師，念動慈悲，佛光前照。可憐

烈烈戰魂消，終古埋荒草。

武阿將軍

前腔 非是你韜鈴未熟元機妙，他用那一粒元神寶。

不怕英雄戰法高。俺特召護法尊神，一同前到佛力

勝邪妖，幸把將軍保。

前蒙令尊大人救我窮途，今日故來相報將軍，你

此傷雖好，百日之內終要復發，須隨我至五老峰

過了此難方可回去。丑噯，番邦有此猛將，未知元

帥何日得能成功也。

黑蟒序似這般魔將雄驍不比那區區木魅山魃。知

何日好把寇氛除掃。武接休焦。也是龜蛇劫數遭。只

要待純陽下紫霄。好盡勦俺已把錦囊密計付與兒

曹。尾聲合仙人自有元中妙。羅網布烟霧罩。管教殺

聲咽斷島門潮。

同下

評曰。張炳此處再見。提明前事恰好挽合上文。且以療膽酬雪地之救。又見報應之不爽矣。問蚺

蛇膽能止刑痛。故或勸椒山公服之。有威未服金丹之時。傷痛必甚。若先服蚺蛇膽。以毒解毒。止蛇膽之痛。不更妙哉。

搖颺拂塵到平沙。為救將軍戰赤蛇。

五老峰前香積飯。養成氣力待鸞哆音父

拆錦

淨扮白飛鳶上

商調引子風馬兒。劍佩飛鳴。意氣揚。爲後勁。鎮翱翔。
那兵機早受中軍帳。轟轟烈烈。百戰開沙場。

風吹沙漠。旌旗動。月照關山。甲冑寒。俺都指揮白
飛鳶奉元帥之令。在後接應。不知先鋒勝負如何。
雜扮小軍上報。白將軍不好了。先鋒與女將交戰。
爲番將暗器所傷了。淨再去打聽。雜下。淨番將如
此利害。左右提鎗帶馬。雜上。提鎗馬副上。合介。噯。

鼠輩焉敢擋我去路。淨俺奉令在此，正要斬你妖
賊。戰介淨敗下。副不會幾合，便敗下去了。如此將
官好不濟事。

商調過曲山坡羊殺得他亂紛紛旌旗飄盪，急煎煎

神魂沮喪。黑沉沉烟雲滿目，迷茫漫騰騰勢如山倒。
無人擋遠和近，刀鎗影亂晃。方顯得將軍陣上威風
壯，要把你十萬兒郎盡掃亡。

副下淨上方纔與那將交戰，十分利害，如何是好。
接前披猖這驍雄，異尋常奔忙望援兵共抵當。

你看那邊兄弟石有光來也。末上聞說前途盡倒，
戈援兵疾速去如梭。見介淨兄弟俺殺得人困馬
疲，那番將追來，怎能抵敵。末大哥不必驚慌，有俺
在此。副上合戰介淨末敗下。副南朝差這班將官，
與俺交鋒，真如驅羣羊而鬪虎也。

三臺令直殺得飛沙走石風雲蕩，骨都都波濤泛九

江。任你慣戰英雄做國殤，能鬪士也。身埋泉壤血流

平地三千丈，看唐兵一戰消亡。

副下淨末棄甲上末阿喲大哥，番將這等驍勇，我

與你并力合戰，不能抵敵。今番性命休矣。副上合戰內鳴金，副歎介：「噫噫，公主俺正要殺他，片甲無存，你爲何鳴金收兵？」

接前：且把他頭顱暫寄頸項，待來朝一併給償。

副下：淨兄弟，他今番若不鳴金，你我性命斷難保了。

吳小四合：看他舞戈矛，落鋒鏃。如入無人境裏狂，不

是那主將鳴金容敵放。這凜凜威風定莫當。頃刻間管教兩命亡。

同下衆引小生作旦上

漁父第一：小生愧書生談兵虎帳，論才謀全非瑜亮。幾誤軍中將，惟願統前隊先鋒無恙。天驕戢翼遁沙瘴，不敢稱兵犯帝疆。作旦惆悵，轍亂旗飛颺。吉少凶多，定不祥。

淨末上：戰已軍無勇，末歸思將有謀。合啟元帥，不好了。郭先鋒傷於番賊郝珠之手，末將前去救應也。爲他所敗，幾乎不保。小生有這等事來，阿母舅二郎神，這事太悽愴。念三人誤投奸賊網，猶幸聚首。

邊關堪依仗。最不想交鋒一戰。命兒遽自摧戕。一別茫茫無影響。要相見除非是神交夢想。怎不教我暗斷腸。痛英雄如何早沒沙場。

淨末元帥且請收淚。當慮番將乘那勝勢殺向前來。如何抵敵。

繫梧桐小生聽這言。倍惆悵。兩淚哭汪汪。痛眼前。沒

箇英雄將。若與對壘呵。軍兵落落早已聞風氣喪。若

不與交鋒呵。敵勢寬寬。忍看他擾邊疆。好教我進退

無門。愁殺中軍帳。作旦呀。猛省得錦囊路上遺。叫我

臨難終須倚仗。

元帥暫且放心。小弟曾受父親錦囊云有危難始可開拆。如今現在營中。小生叔叔既有錦囊快些看來。作旦向內取讀介。龜蛇賈勇海揚波。十萬雄兵受折磨。我救先鋒傷寶膽。誰收番將舞瑯戈。終南有客常參道。塞上調軍可伏魔。方識山人多妙計。無陰爲號去尋摩。看這錦囊。母舅爲爹爹救去。已可無憂了。元帥且按兵不動。待小弟往終南山尋訪道者到來。再作計較。小生如此。煩賢弟速速

前去作旦曉得左右帶馬過來雜應介作旦今
暫爾別邊城爲到終南訪救星同衆下小生番邦
如此魔將若非高行道者怎能收伏囊中之言諒
是不謬那時若請他來呵

尾聲羽扇綸巾仙鶴擎似臥龍復到南蠻上一任你
怪獸奇兵終掃蕩

俱下

評曰蛇將利害寫得十分總逼起請仙施符以見
成功之難後日封爵非偶然耳漢書曰蝮蛇螫手

壯士斷腕若非無陰子道法高妙忍又成一獨臂
師矣

帶得遺囊陣上來殷勤叮囑難時開
依然佛語猶庭訓讀罷聲傳畫角哀

三
四
五
六
七
八
九
十
十一
十二
十三
十四
十五
十六
十七
十八
十九
二十

訪仙

生扮呂仙上

大石調引子碧玉令青山紅葉秋光映。枕烟霞無窮
佳景。吩咐仙童鶴馭晚風清。來塵境。濟人不是心腸
冷。

天仙子數載紛紛鄒魯闕。王師不比番兵勇。山中
黃石有韜鈴。桃源洞雲氣擁。有人請救香塵動。吾
乃玉樞上仙呂洞賓。道號純陽。故託名為無陰子。
今當番國侵疆。齊州用武。主帥陳宗勉。常憂輿尸。

三
四
五
六
七
八
九
十
十一
十二
十三
十四
十五
十六
十七
十八
十九
二十

之告凶參謀張繼良來請神機之相救不免化一
茅廬在此等他便了

念奴嬌茅蓬隱隱居然是青松脩竹吾廬三徑遙待
將軍尋到此同落紅塵幻境玉珮風清劍鋒光冷此
去干戈定魔氣收盡朗見星河耿耿

〔生下〕小軍引作旦上

驀山溪薜蘿苔蘚寂寞無人境數里入雲峰惟見那
伴烟霞松風鶴頂盈盈溪水橫攔石橋青斜帶日半
遮陰一片蒼茫徑

疊嶂盤宮人面起陰雲繞樹馬頭生小將張繼良
奉元帥之命來至終南山尋訪道長如此人蹟罕
到之處若非仙風道骨怎肯隱居於此

大石調過曲念奴嬌序引入入勝看層層疊嶂藏來
真誥仙經烟鎖雲封何處是先生雲舍丹井難省只
見白石清流蒼松古柏猿啼鶴嘯幾聲驚全不似人
間歲月世上情形

遠遠望去山巖之中有一所茅屋在此

前腔換頭幽景相違數頃要前行尋訪一彎山路宜

三星圖 四身
經半壁藤蘿縛馬首。叩扉好去施敬請命。看那石壁松門小橋流水名花異草洞天青。多應是仙人茅屋高士山亭賽觀音。果然是竹瀟瀟栽成逕好一所茅廬幽靜。這一番不枉到神仙佳境。呀。只見那道骨清風笑語迎。

生上來者可是張參軍麼。作旦小將便是。下馬介。請問道長何以知之。生我方纔占得一數。知你來此。作旦如此便是仙長了。待弟子拜見。生貧道也。有一禮。作旦請問仙長高姓大名。為何隱居於此。

生貧道無陰子。在此卜居。只因愛閒好靜之故。作

旦啊。仙長弟子奉元帥之命。特來拜懇呵。

急板令為扶餘。侵邊擾城。有邪魔難與力爭。元帥傷

軍折兵。傷軍折兵。特遣我遙尋鶴駕。敬訪雲亭。要仗

仙風掃蕩。羶腥。祈今日早策雲程。除邪魔濟蒼生。

人月圓。生論此事早已天機定。合有邊關烽火警。那

邪魔呵。是龜蛇助擾東南境。免不得今朝戰血腥。俺

便鎖柴廬。同將軍赴敵營。靖邊城。

生作旦上馬介。

三星圓
四集
尾聲合 你看馬頭點點晚峰青。趁殘月逐曉星。望不
得早退扶餘十萬兵。

同下

評曰。摹寫終南仙境。逼真。壺中日月。世外乾坤。一
篇烟霞。清麗文詞。聞安期生買藥東海邊。嘗跨
蛇以朝玉京。呂翁到瑯琊。阜鄉亭。應爲訪之。番將
卽是所乘之蛇否。

謾說如來是後身。

終南還去訪仙人。

乘鸞快向扶桑轉。

攜得雲芝到海濱。

遣符

小軍引小生上

正宮互犯巫山十二峰。三仙橋陣上風雲叱吼。寇強
梁難爭鬪。眉尖蹙蹙。何時消。倬倬。

雲峰遙祝仙人駕。好挽天河洗甲兵。本帥陳宗勉。
自邊關禦寇以來。一戰魂消。三軍膽落。如今雖得
遺囊。命義弟繼良訪道破敵。怎奈終南往返去路
迢迢。回音寂寂。好不愁悶人也。

白練序。傷心倚戍樓。奈觸目雲山。終是愁甚時候。那

仙風鶴馭可曾來否。

作旦引生上一朶仙雲駕海東邊關從此靖烟烽。
生邪魔技盡歸何處三尺龍泉指點中作旦進見
介元帥小弟奉令往終南山已請仙長到來小生
多勞賢弟跋涉接見介蒙仙長不棄得邀光寵真
是社稷之福也生貧道乃終南野人荷蒙相招願
助一臂小生如今番將擺了長蛇八卦二陣屢來
挑戰本帥尚候仙長調兵破敵生那番將二陣非
凡兵可破貧道自有處置只要元帥破其中營成

功必矣小生本帥早於西北方築就淨壇一區候
仙長登壇是了生如此甚好元帥且請自便作旦
全憑仙長收魔將小生自向中軍破敵營同下生
左右與我同往壇前眾應嘎繞場行介

醉太平生禦寇何須甲冑只要我仙曹施法收拾邪

流且離卻中軍帳下往壇前暗運奇謀無憂

你們迴避眾應下生登壇拔劍噴水畫符介西江
月龍虎坎離配合仙家奧妙無邊靈符飛勅大羅
天任把仙兵驅遣我呂純陽托名無陰子爲中原

劫數已滿特來收伏龜蛇，不免召柳樹精先去破陣。化符介柳精速降，丑綠臉綠甲提鎗上時，逐仙風下九天收魔伏怪。我爲先精成柳樹腰枝軟，裊出三千與大千。俺乃千年老柳因仙師相召疾速前來，稽首見介師父呼喚弟子，有何吩咐。生：今有龜蛇二將佐番邦，擾害邊關，現擺了長蛇八卦兩陣，引軍誘敵，汝可小心前去破那長蛇，不得有誤。普天樂只是長蛇處處埋機設，首尾中間常互救，可留心莫自輕投丑。領法旨俺憑著一枝鎗雲騰霧驟

那怕他赤蛇兒繞陣盤遊

下生堪歎龜蛇呵

犯胡兵青山綠水皆堪友，何必向紅塵爭鬪如今兩休休，當場都出醜。

我想蛇將勇猛氣能吞象，力可穿山這柳精一箇如何破得此陣。必須遣白鶴仙童並去，方可尅他。化符介鶴童速降，作且白短掛紅褲，執鎗上清霜。明月影徘徊，餐得瑤花幾度開。自喜近來無別業，只除蛇蝎到蓬萊。俺乃三洲仙鶴因呂仙相召疾

速前來，稽首見介。大仙呼喚弟子，有何吩咐？生今因蛇將擺了長蛇陣圖，無人可破，特召仙童好去收伏。

南呂香遍滿，看長蛇一字沟沟陣勢，搆能伸屈應前。後特召仙童呵，破勁敵殲渠首，作旦領法旨。

瑣窗寒，任常山體勢悠悠。若遇我仙骨凌風勢早休。看眼前是烟昏塵亂，頃刻便雨散雲收。

下生你看仙童好一標丰姿也。

劉潑帽翩翩，曼羽丰姿秀。蛇將見了，勢自休。只有八

卦陣兒更著何人功堪就。

我想柳爲甲乙之木，結就元形鶴是庚辛之金。養成精氣一入八卦火陣，恐不濟事，不免召水性的。

白牡丹前去尅他，化符介倩女速降。小旦白短掛月背紅褲珠圈帽，小腳腰裙插雙劍，土猶是烟花舊日身。仙家偷得幾分春粉，紅眉黛人人愛水性。原來一點真，我乃治情倩女白牡丹是也。因呂仙相召疾速而來，大仙在上，弟子稽首。生少禮。小旦大仙喚弟子到來，有何使令？生今有龜將擺了八

三星圖
卦火陣命汝破敵

南呂三換頭他青臺綠眸見姣娘等閒魂構你好把

盈盈嬌態引得蹣跚兒上鈎小旦領法旨風情迤逗

這其中是俺機關透管教八卦陣中龜兒輕束手下

生俏紅妝點點春風溜彼龜將一見了魂定散陣難

守

只是龜將根行頗深白牡丹縱能破陣不能擒他

再召愛慾三娘到來捉拿龜將化符介魔女速降

貼紅短掛紅褲珠圈帽小脚持紅繩上一索紅繩

若箇知風流恩愛盡為癡迷魂障上人多少送汝

歸根落葉時我乃癡心魔女愛慾三娘便是因呂

仙相召疾速而來大仙在上魔女稽首生免禮貼

大仙喚魔女到來有何差遣生今因龜將擺了八

卦火陣尚未收伏命汝將癡繩迷他縛來獻功

節節高看他魂迷不自由綠凝眸你便把龜頭一索

輕輕走貼領法旨癡繩扣龜繫頭情牽誘他若是縮

進呵我便把金蓮小小踢雲毬

下生你看魔女此去

遺符
羊
鍾代老書

東甌令妖淫點點是風流迷殺小龜頭下壇介尾聲
從此把龜蛇小醜收拾在乾坤兩袖好在我雲駕飛
騰遍十洲下

評曰淨壇點將仙人施法必用柳樹精等炫耀庸
人耳目原是俗戲然篇中寫柳精白鶴逸致動人
寫牡丹魔女妖冶惑人雖沿俗套卻是雅文

要使將軍奏凱還

諸魔調遣入仙班

雲開沙磧壇前望

便是蓬萊海上山

破陣

丑扮柳樹精上

仙呂引子卜算子參得元功早柳樹將軍號野戰龍
沙膽氣豪看那長蛇貌

俺柳精是也奉仙師之命去破番陣

聲聲慢兵戈橫挑殺氣層層一如海浪風高席捲重

重不管烟籠霧罩殺得箇天昏地黑與人倒呀撲

襲三通鼓譟俺來也繡旛開是英雄到

副上與丑戰介副你是何處妖魔敢來送死丑噉

三集上 破陣 鍾武堂書

俺柳精奉仙師之命，要來擒你，你還敢誇口麼？
副緣來是呂祖的高徒，你是仙兵，我是神將，彼此做
什麼冤家？丑你擾害中原，怎肯相饒。

仙呂過曲番鼓兒恨汝落凡塵，落凡塵，亂向中原擾。

不想動于戈，生靈殘暴，這律犯天曹，今日相逢，怎恕

了。

戰介副柳精你既來交鋒，敢入我長蛇陣麼？丑俺
正要破你此陣。

接前向一路橫掃，只教鎗落處人翻馬倒，副這也你

自尋自尋奇禍，到入陣來死也休懊。

副戰下丑他遁入長蛇陣內，俺不免殺上前去，下

副上嗷嗷嗷，可惱俺因公主按兵不動，無奈設陣

誘敵，不想呂仙特遣柳精前來，不免待他入陣擒

獲便了。

長拍蜈蚣長蛇，蜈蚣長蛇，層層救應，不判前營後哨。

雲龍風虎，天衡地軸，變出了黑常山陣勢，滔滔蟠住

海峰腰，你看那勢能伸屈，術通元妙，儘他楊柳枝頭

風亂裊，小番但看俺七寶旗手中搖，把來將重重困

繞。啊呂仙你也失著了，怎不叫鶴童仙子也落瓊霄。

〔丑上與副戰介丑敗下副追下作旦上〕

上馬踢翩翩白羽飛不食人間草仙風逐九天並無蛇敢到。今日我落下凡間只爲蛇當道。任他首尾動。

搖陣比常山也。不用片時掃。

俺鶴童是也。呂仙命我來破蛇陣。看那柳精大敗而逃。不免前去救應。下丑上。

青歌兒看前面旗鎗紛繞赤蛇兒果然雄驍長蛇陣中殺聲高重重圍著。這一番教俺如何是好。

〔副追上戰介丑下作旦上與副戰介副住了你是〕

南極仙翁的白鶴童子何苦來此多事。作旦特奉

呂仙之命破你此陣。副背介嘎嘎看來此陣要難

保了。副戰下作旦追下副復上化雜扮蛇。作旦追

上化雜扮鶴。戰介蛇敗下鶴追下丑上與番兵戰

介。作旦副戰上副大敗下丑作旦殺番兵下副上

敗了敗了那鶴童已破長蛇之陣真教我無計可施也。

望梅花。最不想這主兒翩翩到把陣中紛紛除掃。怎

三星圖 四集上 破陣 重代金書

當他瘦骨仙風利如雙剪攬呀看後面追聲又來這
段冤氣好難消

丙叫孽將那俚走副你看鶴童緊緊追來教俺怎
能躲避丑作旦上與戰副敗下各追下武生扮龜
將上

鐵騎兒聽前軍聽前軍風烟疾掃師弟落荒逃忙忙
趕上不教法力輸仙曹

副上與丑作旦戰武接戰副下丑你是何處妖魔
敢來阻擋武我乃元天上帝座下的龜將你小小

仙童亦俚曉得

蠻江令

俺是箇

披髮清江老洛書呈瑞早法靈通變

化元天證大道紅塵劫數落過百千遭笑你小小金
門客擅向虎頭搔

丑作旦你既是上帝龜將爲何逃下凡間擾亂中
原

三囑咐神龜鑿鑿通元妙居星斗列天曹也須知上

天法律不許再落紅塵擾你何故把干戈縱亂生靈

暴今日逢俺們不自藏頭縮尾歸伏窠巢敢笑我扇

三星圖 四集 羽客金門小

戰介武你兩箇雖有道法敢入我八卦火陣麼丑
作旦有何懼哉俺就破你此陣各戰下衆番兵執

火把上擺陣介

短拍列著奇門列著奇門重重方位一層層安頓停
調配合虎龍交烈烘烘把火炎環繞只待仙兵走入
教羽衣神柳一時燒

武引丑作旦上戰介番兵撥火介丑作旦敗下武
今番你兩箇怎能出得我此陣也

掉角兒序 你若是向東投震雷動搖 你若是向西出

兌金光照向南奔 更是離火旋燒向北尋 也是坎爐

圍繞 任你突東南冲西北 無非烈焰高 教俺心中也

好生歡笑 鶴童兒幾乎冲天翼燎 柳精兒幾乎蟠根

樹焦 諒你們斷無箇三昧真水 來把焰光消耗

衆番兵上前去圍住他們與衆下小旦上

碧牡丹攆袖冲鋒去百媚姣搖劍霜花落千般嬌秋
波盼處動人情魂勾了

俺白牡丹是也呂仙命我破那火陣爲此上陣前

三星圖 四集 破陣

去下丑作旦上

月雲高攤破月兒高敵兵圍繞重重霧烟罩八卦皆成火無門可跑怎得箇三昧水真來教烈焰耗

〔丑〕師弟我與你今番上那烏龜老兒的當了八卦陣內都是烈火環繞教我們如何出得作旦師兄不必慌張諒仙師別有制法

接前他那裡操權柄自有仙機妙渡江雲借得真源起海濤管教烈烈烽烟頃刻消

〔武〕上各戰介丑作旦下小旦上接戰武作呆形戰

介敗下小旦追下貼上

喜還京鶯花寨裏親征討也非月精狐妖人人逢著自魂消你貪我愛勾精竅迷他呵癡繩套傷他呵利斧敲看捉箇龜兒陣上癡魂擾

吾乃愛慾三娘便是呂仙既命白牡丹破那八卦火陣又命我來捉神龜只得前去一走下小旦上噴水滅火殺番兵介武上與小旦戰復作呆形介貼上武見貼現形雜扮龜上攜雙錘戰介貼漸引紅巾弔介小旦押介

三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十

三星圖
四集
尾。煞。小。且。貼。看。你。波。眸。閃。動。綠。睛。搖。幻。想。著。兩。箇。紅。
裙。滴。滴。嬌。瞧。也。麼。瞧。霎。時。八。卦。陣。變。出。迷。魂。爻。烈。火。
還。成。慾。火。燒。

同下

評曰。五。花。八。門。之。陣。出。神。入。鬼。之。戰。俗。眼。觀。之。驚。
其。熱。鬧。交。人。觀。之。愛。其。錯。綜。

妖魔分隊各相攻。

盡在仙人掌握中。

觸鬪蠻爭皆幻影。

黃沙一陣落梅風。

